

GRAD SARAJEVO  
Gradsko vijeće

Na osnovu čl. 44. i 57. Zakona o pravobranilaštvu ("Službene novine Kantona Sarajevo", broj 33/08 - novi Preišeni tekst) i čl. 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - Preišeni tekst), Gradsko vijeće Grada Sarajeva, na sjednici održanoj 27. jula 2010. godine, donijelo je

ODLUKU  
O OSNIVANJU PRAVOBRANILAŠTVA  
GRADA SARAJEVA

I. OPŠTE ODREDBE

Član 1.

Ovom odlukom osniva se Pravobranilaštvo Grada Sarajeva (u daljnjem tekstu: Pravobranilaštvo), utvrđuje njegova nadležnost i organizacija rada, propisuje postupak za imenovanje, smjenjivanje i prestanak rada pravobranioca, zamjenika pravobranioca i uređuje druga pitanja u vezi s radom Pravobranilaštva.

Član 2.

Pravobranilaštvo je državno tijelo koje poduzima mjere i pravna sredstva radi pravne zaštite imovine i imovinskih interesa Grada Sarajeva (u daljnjem tekstu: Grad).

Pravobranilaštvo vrši i druge poslove određene zakonom.

Član 3.

Pravobranilaštvo svoju funkciju vrši u skladu sa Ustavom, zakonom, drugim propisima i općim aktima.

Član 4.

Pravobraniocu i zamjeniku pravobranioca izdaje se službena legitimacija.

Službenu legitimaciju izdaje gradonačelnik na osnovu propisa ministra pravde i uprave Kantona Sarajevo.

Član 5.

Pravobranilaštvo ima sjedište u skladu sa Odlukom o sjedištima Grada.

Sjedište Pravobranilaštva je u Sarajevu, ulica Obanija broj 5.

Član 6.

U Pravobranilaštvu su u ravnopravnoj upotrebi bosanski, hrvatski i srpski jezik, i latinski i cirilica.

#### lan 7.

Federalni i kantonalni propisi kojima se uređuje radno-pravni status državnih službenika i namještenika u organima državne službe shodno se primjenjuju i na državne službenike i namještenike Pravobranilaštva, ako zakonom nije drugačije određeno.

## II. NADLEŽNOST I ORGANIZACIJA PRAVOBRANILAŠTVA

### 1. Nadležnost Pravobranilaštva

#### lan 8.

Pravobranilaštvo vrši poslove pravne zaštite imovine i imovinskih interesa Grada, njegovih organa i drugih institucija čiji je osnivač Grad.

Pravobranilaštvo vrši poslove pravne zaštite imovine i imovinskih interesa javnih poduzeća, javnih ustanova i drugih pravnih osoba čiji je osnivač, odnosno suosnivač Grad, a po zahtjevu osnivača, odnosno suosnivača.

#### lan 9.

Poslove zastupanja organa i pravnih osoba iz člana 8. ove odluke Pravobranilaštvo vrši u svim sudskim postupcima i upravnom postupku, u skladu sa zakonom.

U vršenju poslova zastupanja Pravobranilaštvo je ovlašteno da poduzima sve radnje koje poduzima stranka u postupku.

Ako Pravobranilaštvo ocijeni da ne treba pokrenuti određeni postupak ili da treba povući tužbu, ili da ne treba izjaviti određeni pravni lijek, obavještava o tome subjekt koji zastupa, koji o tome zauzima konačan stav.

#### lan 10.

Ako Pravobranilaštvo treba, shodno svojim ovlaštenjima, da zastupa stranke čiji su interesi u suprotnosti, a jedna od njih je Grad, Pravobranilaštvo može zastupati Grad.

#### lan 11.

Pravobranilaštvo pruža stručnu pomoć organima i pravnim osobama iz člana 8. ove odluke u rješavanju imovinsko-pravnih pitanja i daje mišljenje u vezi sa zaključenjem ugovora imovinsko-pravne prirode.

Organi i pravne osobe iz prethodnog stava dužni su pribaviti pravno mišljenje Pravobranilaštva prije zaključenja ugovora o kupoprodaji, zamjeni, zakupu, prijenosu na privremeno ili trajno korištenje stvari uz naknadu ili bez naknade, ugovora o koncesiji, ugovora o građenju i udruživanju sredstava za građenje, ugovora o statusnim i ugovornim oblicima povezivanja poduzeća, kao i o drugim ugovorima kojima se pribavljaju stvari ili raspoložive stvari, odnosno materijalnim pravima.

Nije obavezno pribavljanje pravnog mišljenja Pravobranilaštva kada je predmet ugovora iz stava 2. ovog člana pokretna stvar ili imovinsko pravo čija vrijednost ne prelazi 10.000,00 KM na dan utvrđenja vrijednosti.

Mišljenja iz st. 1. i 2. ovog člana Pravobranilaštvo daje najkasnije u roku od 15 dana od dana prijema zahtjeva i potrebne dokumentacije, a u naročito složenim slučajevima u roku od 30 dana.

Član 12.

U postupku donošenja općih akata kojima se uređuju imovinsko-pravni odnosi, prava i obaveze prema stvarima i vlasništvu Grada, obavezno se pribavlja mišljenje pravobranioca.

Pravobranilaštvo, na zahtjev Grada, daje mišljenje o imovinsko-pravnim ugovorima koji se namjeravaju zaključiti sa stranim pravnim i fizičkim osobama, kao i drugim imovinsko-pravnim odnosima sa tim osobama.

Član 13.

Organi i pravne osobe iz člana 8. ove odluke dužni su zaključiti ugovor imovinsko-pravne prirode dostaviti Pravobranilaštvu u roku od 15 dana od dana zaključivanja ugovora.

Ako Pravobranilaštvo ocijeni da je zaključeni ugovor ništav, podnijeti tužbu za utvrđivanje ništavosti, a u slučaju da ugovorena cijena ne odgovara prometnoj vrijednosti - tužbu za poništenje ugovora ili izmjenu ugovora.

## 2. Organizacija Pravobranilaštva

Član 14.

Funkciju Pravobranilaštva vrši gradski pravobranilac (u daljnjem tekstu: pravobranilac).

Pravobranilac predstavlja Pravobranilaštvo, rukovodi njegovim radom i vrši prava i dužnosti utvrđene zakonom, drugim propisima i ovom odlukom.

Pravobranilac ima jednog zamjenika.

Član 15.

Zamjenik pravobranioca vrši poslove iz djelokruga Pravobranilaštva koje mu odredi pravobranilac.

U zastupanju pred sudovima i drugim organima zamjenik ima ovlaštenja pravobranioca.

Član 16.

Pravobranioca i zamjenika pravobranioca imenuje, smjenjuje i razrješava Gradsko vijeće, na prijedlog gradonačelnika.

Na prijedlog gradonačelnika, organ iz prethodnog stava odlučuje i o udaljenju od vršenja službe, o izuzetku i o ostavci pravobranioca i njegovog zamjenika.

Postupak imenovanja pravobranioca i njegovog zamjenika provodi se u skladu sa Zakonom o pravobranilaštvu, ovom odlukom i drugim propisima kojima je uređen postupak imenovanja, poštivanjem zastupljenosti konstitutivnih naroda i ostalih.

Član 17.

Za gradskog pravobranioca i njegovog zamjenika može biti imenovana osoba koja je državljanin Bosne i Hercegovine i Federacije Bosne i Hercegovine, koja je diplomirani pravnik i ima položen pravosudni ispit i iskustvo u radu na imovinsko-pravnim poslovima u

pravobranilaštvu, pravosudnim organima i pravnim poslovima u drugim državnim organima, poduze ima i drugim pravnim osobama, u trajanju od najmanje tri godine, i koja posjeduje najviše moralne osobine za obavljanje službe pravobranioca.

#### lan 18.

Pravobranilac se imenuje na period od četiri godine i može biti ponovno imenovan.

Zamjenik pravobranioca imenuje se bez ograničenja trajanja mandata.

#### lan 19.

Prije stupanja na dužnost pravobranilac i zamjenik pravobranioca daju svečanu izjavu pred predsjedavajućim Gradskog vijeća.

Tekst svečane izjave glasi: "Izjavljujem da ću se u vršenju službe pravobranioca-zamjenika pravobranioca pridržavati Ustava i zakona Bosne i Hercegovine, Federacije Bosne i Hercegovine, Kantona Sarajevo i propisa Grada, i da ću službu vršiti savjesno".

#### lan 20.

Pravobraniocu koji ne bude ponovno imenovan prestaje funkcija pravobranioca, ali mu ne prestaje radni odnos.

Pravobranilac koji ne bude ponovno imenovan raspoređuje se na odgovarajuće poslove u Pravobranilaštvu.

Rješenje o raspoređivanju pravobranioca iz prethodnog stava donosi gradonačelnik, najkasnije u roku od tri mjeseca od dana prestanka funkcije pravobranioca.

Ako pravobranilac ne prihvati raspored na poslove po rješenju gradonačelnika, prestaje mu radni odnos, po isteku 30 dana od dana donošenja rješenja.

#### lan 21.

Pravobranilac i zamjenik pravobranioca dužni su čuvati svoj ugled i ugled Pravobranilaštva.

Pravobranilac i zamjenik pravobranioca ne mogu vršiti inokosnu funkciju, ni biti članovi izvršnog tijela političke organizacije.

Pravobranilac i zamjenik pravobranioca ne mogu biti krivi niti gonjeni ili lišeni slobode zbog iskazanog mišljenja ili odluke donesene u vršenju funkcije.

#### lan 22.

Pravobraniocu i zamjeniku Pravobranioca služba prestaje:

- smjenjivanjem,
- u slučaju podnošenja ostavke i
- kada ispuni uvjete za odlazak u penziju propisane zakonom za državne službenike.

#### lan 23.

Postupak smjenjivanja pravobranioca i zamjenika pravobranioca pokreće se i provodi u skladu sa zakonom.

U postupku smjenjivanja pravobranioca i zamjenika pravobranioca bit će omogućeno da se izjasne o razlozima smjenjivanja.

#### član 24.

Pravobranilac i zamjenik pravobranioca bit će udaljeni od vršenja službe ako je protiv njih određen pritvor, a mogu biti udaljeni od vršenja dužnosti ako je protiv njih pokrenut krivični postupak ili postupak za smjenjivanje od vršenja službe.

#### član 25.

Pravobranilac i zamjenik pravobranioca mogu podnijeti ostavku na vršenje službe. Ostavku podnose Gradskom vijeću, a vršenje službe im prestaje sljedećeg dana od dana kad je ostavka primljena.

#### član 26.

Odredbe Zakona o parničnom postupku i o izuzeću sudija ili sudija porotnika koje se primjenjuju na području Kantona Sarajevo, shodno se primjenjuju i na izuzeće pravobranioca i njegovog zamjenika.

Izuzeće pravobranioca i zamjenika pravobranioca ne mogu tražiti stranke.

O izuzeću odlučuje Gradsko vijeće, na prijedlog gradonačelnika.

#### član 27.

U Pravobranilaštvu postoji određen broj službenika i namještenika za vršenje stručnih i administrativno-tehničkih poslova utvrdjenih Zakonom.

#### član 28.

Unutrašnju organizaciju u Pravobranilaštvu utvrđuje pravobranilac, Pravilnikom o unutrašnjoj organizaciji Pravobranilaštva, po prethodno pribavljenoj saglasnosti Gradskog vijeća.

#### član 29.

Pravobranilaštvo podnosi Gradskom vijeću i gradonačelniku izvještaj o svom radu, kao i o uočenim pojavama i problemima u primjeni zakona i drugih propisa od značaja za ostvarivanje funkcije Pravobranilaštva.

Izvještaj iz stava 1. ovog člana razmatra Gradsko vijeće najkasnije do 31. marta tekuće godine.

### 3. Radno-pravni status pravobranioca i zamjenika pravobranioca

#### član 30.

Koeficijent za utvrđivanje plaće pravobranioca i zamjenika pravobranioca utvrđuje Odlukom Gradskog vijeća, na prijedlog Administrativne komisije (u daljnjem tekstu: Komisija).

Plaća pravobranioca i zamjenika pravobranioca utvrđuje se množenjem polazne osnove za obračun plaća koja se primjenjuje za državne službenike u jedinstvenom organu uprave, sa koeficijentom iz stava 1. ovog člana, i tako utvrđeni iznos uveća za 0,6% za svaku započetu godinu radnog staža, a najviše do 20%.

Pravobraniocu i zamjeniku pravobranioca pripada pravo na položajni dodatak, koji utvrđuje Gradsko vijeće, na prijedlog Komisije.

lan 31.

Za naknade koje nemaju karakter plaća, službena putovanja i ostala primanja po osnovu radnog odnosa primjenjuju se propisi koji važe za državne službenike u organima uprave.

Na sva pitanja koja se odnose na radno-pravni status, prava, dužnosti, obaveze i odgovornost pravobranioca i zamjenika pravobranioca shodno se primjenjuju odgovarajuće odredbe Zakona o pravobranilaštvu, te propisi kojima se uređuju prava i dužnosti državnih službenika u Federaciji Bosne i Hercegovine, općini i propisi o radu i kolektivni ugovori.

### III. SREDSTVA ZA RAD PRAVOBRANILAŠTVA

lan 32.

Sredstva za rad Pravobranilaštva osiguravaju se u budžetu Grada.

lan 33.

Finansijsko i materijalno poslovanje Pravobranilaštva obavlja se na način i po postupku koji važi za organe državne uprave.

lan 34.

Za radnje poduzete u zastupanju pred sudovima i drugim tijelima, u slučaju iz člana 10. ove odluke, Pravobranilaštvo ima pravo na nagradu i naknadu troškova, prema Tarifi o nagradama i naknadi troškova za rad advokata.

Sredstva koja prilikom zastupanja ostvari Pravobranilaštvo prihod su budžeta Grada.

### IV. PRIJELAZNE I ZAVRŠNE ODREDBE

lan 35.

Pravobranilaštvo, osnovano ovom odlukom, počinje sa radom danom imenovanja pravobranioca.

lan 36.

Pravobranilac će u roku od 30 dana od dana početka rada Pravobranilaštva donijeti Pravilnik o unutrašnjoj organizaciji Pravobranilaštva.

lan 37.

Na sva pitanja koja nisu posebno regulirana ovom odlukom odgovarajuće se primjenjuju odredbe Zakona o pravobranilaštvu.

lan 38.

Stupanjem na snagu ove odluke prestaje da važi Odluka o osnivanju Pravobranilaštva Grada Sarajeva ("Službene novine Kantona Sarajevo", broj 11/04).

lan 39.

Ova odluka stupa na snagu narednog dana od dana objavljivanja u "Službenim novinama Kantona Sarajevo".

---

Broj 01-02-1242/10  
27. jula 2010. godine  
Sarajevo

---

Predsjedavajući  
Gradskog vijeća  
Prim. dr. Željko Ler, s. r.